



蘧廬稿

五羊韓上桂孟郁父著

六言

得也字戲爲嘲六言二十八韻示汝載

卿相事業彼哉簞瓢道味回也關門仙客騎牛
塞上老翁失馬夷甫立名非真偃師構象是假
機性能忘灌畦伎心不怨飄瓦受金折脇鱗汚
秉翟錫爵渥赭雞肋薄味休尋蝸角微名須捨
蟠木輪困離奇王侯不穀孤寡西山弱蕨堪餐

東籬黃菊滿把天清雁隊繳加水落魚梁網打
三命五命徒然一丘一壑聊且陰崖久闕丰茸
古洞乍開豁開第安堦萼茅簷不羨布金蘭若
僻徑柳絲煙迷幽齋桐葉露寫花朝鳥語四聞
山午鐘聲幾下珮結瓊瑤采含服製芰荷香惹
嬾出却步朱門痛飲攢眉白社竹鑪鼎沸烹茶
石澗泉滌滌竿雨後小摘瓜蔬盤中薄蓄菹鮓
種秫百斛供酣割蕉千葉披酒淮桂結緣小山
郢雪揚歌大雅曼倩詰屈陸沉淳下滑稽炙輶
堯勲舜烈糠粃周禮孔書土苴試誦逍遙內篇
請植廣莫荒野卷菴拔心復春反舌無聲值夏
鸞鳩笑比鷓鴣樗櫟壽勝梧檟懸弓影忌照杯
鑄劍金防躍冶枉教盜鈴作聾何事吞炭爲啞
但處材不材間勿問鳴弗鳴者

翼鳥笑出颯颯對樂壽剗剗對懣
舌邊春又舌無轉面夏
青卦黃莫荒裡卷蘇卦心發春又舌無轉面夏
素煉我然懸懸思斷下膏土直信情發發
遠廬稿

五羊韓上桂孟郁父著

七言古詩

古怨

九月秋高天氣涼玉壺送水更漏長孤燈不剪
蘭缸冷新月斜函翠幌光深夜沉沉望風色銀
漢迢迢杳難卽梧桐樹上怯雙棲菡萏池中羞
比翼慘淡鉛華秋復秋婉轉屏帷愁更愁班姬
此日題紈扇衛女當年怨栢舟不堪念此意辛

苦願學秦簫逐鳳遊

秋長夜

秋夜何太長
蘭燈掩暖月無光
牽牛織女虛相望
北風吹斷雁中行
滿園素葉吟清商
有婉季女處空房
肌理細膩膏澤香
空嗟物序徂早霜
相思在何方
相怨滯它鄉
自君行去後
啼作淚痕
粧羅衣何飄揚
珮玉何琳琅
織成錦繡段
裁作雙鴛鴦
鴛鴦飛上芙蓉上
恨不相隨逐鳳凰

臨高臺

臨高臺高高入無極
下見閭闔色清江
環似帶細草縈如織
登高客思哀景物重
徘徊天空一鳥沒
日落衆星迴秦中
宮闕如天上
複道層甍不相讓
章臺樹裏隱驂騮
錦石屏中圍綵帳
大道何悠悠高臺入望收
東連滄海觀西瞰岳陽樓
交甫江臯逢解珮
漢宮月下暗藏鈎
趙瑟初停白露冷
秦箏續奏輕風愁
佳期倏往還花樹共綢繆
漢主初興數呂竇
昭陽又在長門後
當年寶騎競繁華
只今野鳥啼清晝
舊臺無復春

紫閣漸生塵蒙茸古時道慘淡去年人登高見
此長嘆息後庭玉樹虛荆棘一水東流去不迴
萬山北向知何極目窮寥廓已多時依舊秋風
掃蕨薇萬古高臺同此恨祇應留與後人悲

聽何與潔吹簫

若有人兮吹玉簫音婉轉兮思寥寥臨高臺兮
幾美逐丹霞而上飄哀響入微兮意未已激流
風兮杳不知其所止松韻高岩兮泉流澗底激
水腸兮洗煩耳東家戍婦兮淚沾衣西家蕩子
今行不歸何處簫聲繞長怨霜露凜凜侵人肌
聽之一曲猶未罷中絕復起兮繚繞梁榭無恨
怨兮早朝最好動人兮清夜夜旣闌兮香旣殘
擁雲髻兮約雙環秦嬴已去不復返徒有鳳曲
留人間

秋江月

秋江月月在秋江如可掇秦時曾照玉龍堆漢
世常穿金鳳闕鳳闕清輝暎畫樓風生洲渚錦
帆秋白雲一去迷前浦江水東迴逐月光

一何皎客愁一何悄玉盤滅沒波盈盈彩袖飄
搖蘇小小揚子江頭見月光華堂寶燭奪輝煌
魚龍寂寞金波冷烏鵲依微玉樹涼濯濯芙蓉
雙蒂斷怯怯鴛鴦比翼狂比翼鴛鴦自成匹獨
眠孤婦不勝泣春去秋來恨幾時月圓月缺嗟
何及錦帳颼颼可奈秋惜芳人倚木蘭舟金閨
草閣還同照紈扇蛾眉一樣愁幾度霜寒聽暮
笳况堪羌笛落梅花江城大地三千里江月斜
懸四五家良人幾成交河北妾夢空驚海上槎
海上槎嘆秋月任爾團團比玉容胡不雙雙對
玄髮千門萬戶竟能爲七寶三窟望空絕姮娥
既老不嫁人吳公採薪何時歇徒有無情桂樹
香不見同心連理結以茲感嘆減朱妍誰分輕
鬟襯繞蟬翡翠樓前鈎獨上珊瑚案上鏡虛懸
拚無藥物能奔托拚無服食可神仙東家流水
西家挹南陌栽花北陌舉曉漏銅樓鷄欲歇此
時不見秋江月秋江月落影沉沉美人一笑千
黃金人生百年難百歲何處雙心共一心雙心

雙意徒爲爾願逐流光赴蒙汜蒙汜雖沉猶有
迴獨無人故可重來思君不見憐秋月化作朝
雲暮雨臺

御溝水

洛陽城東花草殷垂楊滿道那可攀始聞絳氣
縈金闕復道寒煙鎖玉關玉關對削圍丹旆仙
館橫連盈帝里深宮寂寞掩芙蓉間道斜通御
溝水溝水東流百尺深絕代佳人但一心紅顏
可照青天麗粉黛空含綠樹陰綠樹陰森不可
見栢梁宮裏陳高晏謾想輕盈擬阿嬌更得娉
婷似飛燕飛燕雙翻入華堂清歌妙舞逼成行
各取嫣妍迴眷戀何知姊妹借輝煌逢人祇羨
烏鴉挽對鏡真誇寶鳳妝寶鳳妝成不自惜但
願君王賜顏色君心活似劍端環妾念專期林
上翼林上寒鳥棲滿枝三春歸鴈濕征衣恨不
傾身聯比目那能奮翮趁雙飛流蘇寶帳塵得
滿承露金莖滴乍稀此時慘淡玄華耗此日之
臨御溝道溝道波浮映遠楊繁絲亂絮結中腸

邊廬和
七言古詩
五
澗洞莫過東歸水哽咽空停五夜鷓鴣中酒滿
淚亦滿枝上絲颺情復颺薜蘿紫結徒懸月
苗朱華祇怯霜沉思此事憐孤寢溝水溝聲常
入枕黃姑幾度見填河織女七襄害成錦波去
波回亦有時千金賦盡無還期但看古來溝水
地誰不吞聲恨落絲

折楊柳

折楊柳楊柳牽連常在手浩蕩春光不自知
慙淡鉛華那可久憶昨枝頭雪未銷偷將媚眼
逞嬌嬈長安大道籠珠箔小苑迴廊映碧綃鴛鴦
鬪作銀條脫翡翠妝成金步搖此日離亭惜春
好浪捲平林春滿道已將蝶舞當徘徊可奈鶯
歌生懊惱春去亦無期春心枉自知有條能拂
帶無樹不颺絲渭水橋邊縈玉縷洛陽溝上妬
蛾眉別後含顰誰共處哽咽笛聲悲作語極目
烟雲望轉迷但看落絮空中舉折盡長條不復
春祇餘足馬踏芳茵此去江山無限恨一路楊
花照眼新

子夜歌

月光欲沒花含煙嶺頭遊客愁不眠池中小蓮
新貼水林外輕桃帶露鮮隔牆近在誰家子婉
轉歌聲常入耳吳趨未下楚姻迎玉笙初罷文
簫起銀河燭影夜沉沉寶蕪蘭薰香十里共道
千金買醉宵何知孤客憐春芷憐春芷歎春聲
慘切流鶯暗自驚關河北去人如夢祇是相思
一路明

採蓮曲

採蓮復採蓮採蓮方未已翠羽拂雲平輕橈乘
浪起越女嬌嬈世所無玉環繫腕色甚都相將
結伴尋芳去但得芙蓉莫浪趨芙蓉淺淺峽江
側近水輕盈淨如拭將歸東岸隔西濤欲往汀
南限溪北汀南溪北一朝花採蓮誰得似娼家
不憎綠水漸羅袂但恨鴛鴦占浦沙浦上鴛鴦
兩兩飛翠莖丹幹自相依渚口初聞乘月去隔
江猶唱採蓮歸採蓮曲歡未足一路歌聲入綵
雲相看翠袖飄紅玉思君爲擢藕如船斷却長

絲恨轉連蒂似妾心空自苦花當妾貌好誰憐
採蓮秋已暮歸來月如素塞外音書杳不聞江
南年少空相慕摘盡紅蓮悵遠天回看往路空
寒煙君看少小如花女誰不解刺採蓮船

閨怨篇初入京作

長安二月柳如絲大道千門雪未晞耿耿雙星
迷客浦迢迢孤騎指皇畿皇畿帝里迴環織金
闕瓊扉承御極照日丹衢鳳輦歸凌空紫閣鸚
班直朱館映銅龍鑪烟散碧峰雲間巢翡翠天

際鎖芙蓉北堂晚發千靈鼓南陌朝聽萬石鍾
鼓節鐘聲非世有往日香閨誰獨守鳳皇臺上
弄參差鳩鵲橋邊奏垂手始見桃李貌爭榮復
道芙蓉絲結耦結耦連絲不易求聯軒疊蓋度
華輶臨衢綺箔三千戶夾道青簾十二樓紫燕
翔原便嬌鶯轉最柔自言桑海從三變自言歌
舞窮千秋別有妖容善流盼美目輕肌人所羨
清風輕擘碧綃裙明月巧裁白團扇願爲寶帶
繫君裳願爲鸞鏡窺君面箇中尤物真可憐箇

裏新妝不道錢擲果河陽堪作對採桑岐陌若
逢仙獨有南州季子妻年年歲歲泣雞棲君心
去似離弦苦妾意空嗟濁水泥錦字織成誰爲
寄金緘淚漬手重題看看已見孤雲沒切切還
驚白日低白日低山不復照青鸞一去何時眺
曉吹長管邀落花暮倚疎牕送殘燒由來薄命
人所同自憐少好拂春風寶玉刻臺雙作鳳香
車授轡共乘龍同心紫結含雲采連理新桂映
日紅憶別津頭相痛哭行行不遠海江曲指點
青山說死生更向重波憐鷓鴣良人有意勒銅
標賤妾何須怨金谷遙遙七夕暗相思遶遶三
江祇自知乍可輕寒侵薄袂那堪累歲住孤羈
孤羈累歲徒爲爾枝上啼鶯驚夢起春去春來
枉自持一心一意何曾已忿忿雕牀並蒂花生
憎絳帳雙鷓被鷓被鸞幃誰共薰香爐獸炭生
氤氳奈保青樓飛燕侶不記丹山彩鳳文向夕
臨烟渚風來急帶雨葡萄架上惜交縈孔雀屏
中羞獨舞露灑天桃滴更紅石咽流泉聲倍苦

懶將曉鏡理埃顏不用輕蟬襯繞鬟
堦前積蘚沉沉綠竹裏纖條細細班
珊瑚鈎挂窺蟾月琥珀杯停對銀闕
瑱瓌鉄馬厭風聞慘切金雞愁夜歇
夜連夜歇誠有之楊花亂下不勝悲
金錢卜盡憑誰告寶劍重還未有期
沉吟此事彈虛指獨坐文窻枕孤几
垂楊道外少甘瓜紫陌塵中多苦李
苦李甘瓜亦不常好生毛髮惡生瘡
瑤琴一曲教求鳳錦瑟三調可竊香
情知茹蘆無顏色情知故里迷荆棘
當時粉黛尚堪憐此目鉛華詎足識
便隨紫燕越南淮便爲流影入君懷
三切猿聲腸斷續幾迴鴛夢逐魂埋
不信在山能化石歸來看取故時欵

紫陌行

乙未春罷對自長安抵敝廬時春氣盛
敷遊觀絡繹而余獨蹇行道中不勝壹
鬱之感雜以成篇

聖朝瑞日麗中天淑節青陽遍九埏
百二關河開錦繡三千龍虎護幽燕
幽燕士女多婉孌豐

鐫繁華同眷戀但願吹笙學跨鸞豈惜纏頭買
歌扇曉漏銅龍報早春昇平景物驗芳辰太史
書雲呈玉葉將軍履劍動勾陳嶺外條風應寰
中淑氣臻文從星漢轉治逐斗杓新斗杓星漢
迴蒙汜象管鸞笙喧戚里羅浮山上早梅開上
苑林中叢杏美共道朝來鬪綵春誰知臘裏偷
寒芷春氣競萌芽春光照碧沙枯崖藏翠草古
木發瓊葩渭水橋邊千萬戶武陵源上兩三家
流風一泝龍城遍往日關河如自變水濯黃金
條庭抽青玉紉江雲黯黯度游龍江雪融融濕
飛燕飛燕翩翩上畫梁遊絲雜沓卷垂楊朱門
鎖後誰衝鑰衡宇開斜亦透香沉吟報道春將
度俠客妖容滿前路錦帶珠纓絡王驕銀絲鉄
網妝瑤輅連星寶劍耀豪情映日金環試嬌步
金環寶劍望熒熒驅車策馬不曾停何處依微
開別墅何處陰深度遠垆龍鞭輕指點寶勒近
丁寧相看一水隔並笑百花明仙郎此去同誰
伴浮英落縷愁將半丹衢九道接層樓紫陌千

遠應和
條橫廣漢磴路複崖雪未晞銅溝暖渚冰先泮
爲尋春色倚嗟哦誰料春心繫鷓鴣驅馳豈限
金川水窈窕還臨寶鏡波北郭招尋少南原結
伴多同爲闌草戲齊作採蘭歌相顧紅顏私懊
惱人生安得長美好去年花比今年饒今年春
比去年早聞道官城輦道東羅裳雜逕拂春風
洲邊穠李不同白洞口天桃一樣紅荼蘼架上
雙棲鳥楊柳溪頭並戲鴻荷衣新試淺栢蓋舊
成叢漱水珠光射寒衣雪竇通行行更向曲江
澣兩岸落花急帶雨青萍碎出日還浮弱荇微
牽風輒舞錦瑟佳人嬌上春吹笙王子結成鄰
有情飛鳥能相顧無意遊蜂祇自嗔雙雙蛺蝶
銜鬚並怯怯鴛鴦比翼頻抽手爲郎折江芷更
上一枝春更美藜棘牽裳步却難凌波度襪泥
防滓但取媽妍效妾歡何辭婉轉爲君死簫鼓
中流發浩音桂棹輕移傍綠陰高冠闖出峰爲
玉長袂斜開縷作金金縷垂楊但一色水底龍
文曲更直葡萄樽滿幾傾紅竹葉杯乾仍送碧

錦帶同心結香桂連理織眼前一片歡別後庸
相識遲遲落日挂春暉只可探春滿袖歸芳潭
紫萼携來重碧沼朱英攬不違歸鞍突隘關前
轂冉冉紅塵散金谷翡翠支持草際深珊瑚錯
落花中蹴止水猶含旖旎香竹梢尚繫輕盈轂
寂寞空林野鳥啼淒涼暮雨玄猿哭目極蕭然
悵遠遊早春何地不消愁亦有花間題紈扇亦
有袖裏覓銀鈎亦有從前已對蟾蜍月亦有別
後新添鴉鵲樓始信太平多景象遲日烟雲古
是朗綠髮偏多綺靡情朱門別具豪華賞獨有
經行客子悲敝裘已破黃金資風流不減張京
兆雅尚真追向子期琴心懶奏鳳凰曲彩筆羞
裁芍藥詩茫茫天地一何大石澗飛蟲遞鳴籟
輕風不散望鄉愁細草長繁行野嘅祇有南枝
字合歡謾說忘憂樹北背塵生萊餽肯求憐病
處牛衣徒自悔振翮何時人御堤止林還借一
枝棲手調商鼎鹽梅和曲應虞絃舞袖低涸鮒
亦思迴涸轍枯楊猶自發榮梯春風一夕能相

識鷹作鳩聲亦解啼

醉歌行席中贈如岡陳公

平生頗有激烈腸當秋拔劍神飛揚恨不相隨
漸離輩悲歌擊筑燕山旁陳公官高膺八命經
略東南發神令斫龍灣頭海水腥掣虎山中烟
火淨惟餘下士意磊落使我形神重開擴墜子
何知奉後塵將軍顧待真不薄月照吳江木落
時公歸淮土鳴金羈幕府如雲騶從發揮手欲
與雲山辭韓生意氣消不得欲上青天攬日日
問渠何事遍荒衢不照幽岷之石室猛犬信信
吠九關玉門欲扣排金鑲勾陳宿衛森相向重
階累級不可攀萬古精誠盡如此哀絲急管空
滿耳黃雲高捲白日微醉歌恐有悲風起

贈潮陽吳光卿

我讀適越紀思君適越吟越吟一聲風颯颯高
山流水誰知音鍾期伯牙今已矣勸君勿撫朱
絲琴急絃促節未易竟相對浮雲萬里陰嚴陵
之風高可拂洗滌蘊內除煩襟羊裘大澤不復

辨惟見削壁兩石欹嶽岑潮水之潮何時還落
盡千山與萬山山山闔作芙蓉色眼看壯士凋
朱顏三十六根連地軸羅浮雁蕩同躋攀達磨
手提一隻屨麻姑耳後垂雙環人生去住曾何
定四嶺黃雲春樹暝師門使火入虛無列子乘
風凌溟滓吳歌白苧出蘭房越女採蓮移暮艇
沉沉滄海起紅輪瞋目大叫雲中迴子今杖策
跨崆峒我將赤腳蓬山頂

贈楊亦琳

楊生短髮學文章兩目炯炯雙鬢蒼狂來飲酒
盡一石放歌袒裼萬人場縱橫鐵畫一時落白
日爲走青天黃上林羽獵不足數建安大曆失
光錚與我結交未半載吐詞往往凌金商我言
此道久落寞北地芟除功不薄濟南諸子亦一
時今之作者體格弱深山大澤長龍蛇絕壁崢
嶸過孤鶴玄冬十月風霜來百水倒流千石涸
丈夫意氣任驅馳片語豈肯忘前諾彎弓直掛
扶桑枝圖形擬上麒麟閣驂騑一日縱長途觀

選虞和
七言古詩
三
者紛紛咸錯愕迄今 天子攬英豪子當爲鵬
我爲鴉

送督學陳章閣公以楚藩鎮潤州

有美一人曳明珰左貫日月右招搖驅雲車今
駕神馬弁長纓兮漱玉簫玉簫兮幾弄縹緲行
雲朝相送已從合浦探明珠更向羅浮聽朱鳳
朱鳳翩翩遠而致玉貝連環若編次九秋夜雨
長蔬畦兩岼芙蓉映相媚澤國猶思佩楚蘭歌
當郢雪春風寒湘靈鼓瑟不可見巫山玉女空
盤桓送君更對蘇臺月蟾鏡晶熒徹毫髮當年
步屨委苔塵幾見月圓還月缺勾踐城邊遍綠
蓀要離塚上寒雲繁長洲茂苑花常滿到日鳴
珂引繡軒繡軒錯轂綺羅春楊子江頭楊柳新
漂陽古廟荒無盡棹歌誰念蘆中人君今仗節
駐江南回首青山桂樹林霜落吳門楓葉冷望
美人兮感我心

天馬行贈朱維翰父子

我聞良驥之子常汗血足歷天衢驚滅沒雄姿

逸態轉風雲照日霜蹄明皓雪此馬氣格久負
奇自期伯樂早見知朝策扶桑隨日馭夕經弱
水遶昆池錦障妝成雲霧色金鞭琢削珊瑚枝
乍來漢闕矜形影曳出神宮光陸離世人見此
同嘆息咫尺精靈那敢逼穆王八駿未應先漢
文九馬虛求直只今蹶足暫來東緣江草綠嘶
輕風時來終自致雲漢氣奮復欲跨崆峒不信
世間能有此看君父子盡神驄

送詹生還武夷

武夷之峰三十六卅岵翠削駭心目斗牛合斗
燦星分瞰越窺吳橫地軸日照晴霞裂錦文紫
芝玉樹生氤氳中有仙人搖白羽散髮赤腳踏
青雲一峰律兀名大王金光晝現色煌煌玉女
蛟好備灑掃巍峩列侍君之旁吹篳擊鼓挾白
虎碧玕之管鳴笙簧念此何時縱長駕飄然頓
足山之下便將羽袖拂流霞更得神漿消永夏
幔亭之宴者誰尊知是神仙第幾孫九曲寒流
宜沐髮爲我東歸具玉盆

蠡湖贈李元錫

請以連城壁敵君明月珠
明月之珠安所如鬻
價雙環千萬餘
靈蛇蟠胎相對輝
小星大星紛
天衢道逢磊落見吾子
楚水吳山石齒齒
鄱陽
十月風氣寒
夜靜蛟龍不敢起
蛟龍奮躍從東
來漢武秦皇安在哉
聯翩注弩三千士
破浪直
射吼奔雷
英雄駕馭赫神祖
手戮鯨鯢混區宇
常年戰骨亂如麻
祇今夜夜號風雨
浩浩長江
萬里流秣陵
王氣勝中州
採桑岐嶺
知誰是夫
壻青絲坐上頭
鴛鴦片片成雙瓦
參差綠絮縮
春愁 聖主當軒
朝策士匹馬
長安暫復遊

有客

有客形容黯如漆
裙短不覆纜到膝
不知兩眼
爲誰青但取高歌
留白日讀書十載
北山中泉
石冷冷常帶風興
狂便掣青萍劍氣
奮欲掛扶
桑弓年來上策獻
天子彩筆揮成裂
雲綺勢
蹋崑崙萬仞峰
更傾百折東流水
風雲散合近
如何點額屢困空
蹉跎春草春花長
駐世祇應

蠟屐捫青蘿桂枝糾結徒相戀下看世俗成滂
沱嗚呼下看世俗成滂沱古來偃蹇何其多

贈劉覲國

君且飲我當歌江間日出揚早波塞上勁雪吹
胡沙行到蕪城菊未花石頭南下少人家此時
作客詎堪陳紅霞斷續垂續紛匣中寶劍光芒
在古木盡落低寒雲寒雲縹緲流天外路遠迢
遙不可會陂澤常生並蒂蓮佳人爲覓同心佩
紅樓實碗酣朝輝何許關情久未歸中婦流黃
沾淚盡仙郎白雪少人知與君歷盡關山路險
阻交情難具訴祇將薄骨抵風塵浪說黃金買
詞賦詞賦風流未可期西山日夕水雲遲君歸
再奮雄飛翼我歸便倒高陽池他時更憶幽棲
客誰謂商山無桂芝

題張生寫鷹樹圖

畫鷹須畫神寫樹須寫根張生畫鷹鷹欲動恍
惚兩翼凌蒼旻一石點綴太磊落槎牙古樹攢
江濱江濱樹亦得水底明朝日急添粉練細作

遼原集 七言古詩 九
講恐其聽秋風而自失

孫真壁上畫馬歌

畫馬不必畫拳毛好手全在霜豪裏匠意果妙
工婉轉入骨髓孫真畫馬專畫神咫尺壁上風
雲起雄姿勃萃氣莫平一日可走千萬里渥洼
龍種竟何存聖世麒麟今不死

區生山水圖歌

咄咄底恠事半壁起風濤周遭僅盈尺常函萬
仞高日足森森海霧紅形勢大類扶桑東崩堙

古樹摧欲死點綴草石俱天工吁嗟畫工有此
大奇手又何必攀藤緣磴探澤藪

王大夫壁上松子歌

吁嗟乎松子何大奇不在泰山之巔嵩嶽之垂
乃在王大夫之素壁其枝幹黝糾而離披玄冬
陰雲慘欲黑石根靈乳常如濕槎枒虎爪莫能
當枝柯劍戟森然立我素煩心厭炎熒欲坐清
風巖下可消歇對此不覺洗心魂冷然飲我一
杯雪乃知好手專奪神不獨纖毫濃密之濡勻

若使靈氣時能吸，久服或可令輕身。

點兵行

頻頻聽點兵，點兵聲滿衢。問渠何所去，去去陰山隅。陰山逾萬里，臨行緩斯須。往年戍海南，今年戍海北。邊圉久用師，致死出微力。東家往月行不歸，但聞短兵初合圍。西家壯男今又發，弱毛黃口新裹髮。顧我蕭條一老丁，年過五十髮星星。生歸恐已逾老醜，死去便爾填滄溟。滄溟水深波滅沒，處處營頭看苦月。秦皇漢武昔平胡，天陰風雨聲嗚嗚。

舟行惠陽暴雨

江南十月吹天風，水勢直撼蛟龍宮。白晝鯨鯢出浪立，猿悲狐怒哀高穹。江心小艇盪如失，帆摧桅折中流泣。日暮天黃哭鬼神，顧見大魚張口吸。

風定示蘇汝載

昨夜天風生，怒號攪亂樹。木聲颼颼鯨鯢尾，擊古壁上餘波滅。沒鱸鮪逃今朝，風定濤亦息。大

魚小魚空濺濺枝柯膠擾氣未平枯皮摧裂凍
猶澁顧我浮生靡根蒂萍踪漂泊安所繫奈何
與水族爭波濤久念精魂倍驚悸

再示汝載

呼童且沽酒沽酒休蹉跎人生得意且行樂昨
日怨怒今笑歌六鰲已斷鯨星實波濤累日將
如何與君飲酒悲天風人生去住飛秋蓬江圻
突遷虎豹窟古岍夕徙鼃鼃宮我無魚龍之鱗
甲又無雕鷲之羽翼徒然世路爲偏側水忌瞿
塘陸太行首尾畏縮將安極旗亭酒香酪酏時
下視溟渤如杯池江神莫爭子羽壁負龍蜿蜒
何能爲

蒼鷹贈蔡子毓

蒼鷹白頭人不識羣飛江海恣猛力霜毛爽颯
滾雪飛鐵距撐挈絕慘黑側目愁胡破遠天軋
擊左右憑胸臆狡兔未保深窟藏大鵬遂失垂
天翼姿雄往往受衆猜去傍魚磯掠鮓鯽鯽
滅沒泥滓中百轉千飛不得食吁嗟壯士亦如

此高牙大纛張邊鄙上林羽獵竟何爲不搏匈奴搏虎兕

呈觀察景醇劉公

平生意氣爲誰剖滿腹幽懷不出口生長荒岷閱歲華久分棲遲付林藪讀書頗欲演三車問字幾能窺二酉徒掩芸編避蠹魚試探石鼓餘蝌蚪風騷直起屈宋前雅頌未甘曹阮後乘風破浪思無窮樹德立言心不朽雖然水擊恣鵬搏豈知兔脫徒株守千金壯技莫屠龍三歲甫

田但存莠蠖伸或賈後生說雖伏便邀時輩詬慚如季子敝貂裘困似敬通親井臼憂侵豈藉背樹萱病瘠俄驚肘生柳金谿王公雅望崇藻識昔曾逢此叟藻才竟許賦三都雅調獨推藏八斗合浦光探明月珠太華鮮摘如船藕劍開干莫定雌雄駿索驎騶遺牝牡鑽肉歡從付羽毛洗癩幸爾捐瑕垢屣倒中郎折節恭樽傾北海忘年友別緒將凄向却難碩德不報顏何厚公今奉節佐邊猷白日金章輝紫綬論德何妨

孔李通比姻况復王劉舊玉貝光華世所珍黃
鍾大韻人從扣遊刃翻知合舞竒運斤信屬成
風手夙誇炙轂等龍雕頓驚幼婦析辛受精氣
時令琬琰搥慨歌直遺風雷吼范叔猶懷一飯
恩聶政豈爲千金壽任將溝斷惜犧尊肯道蘇
餘厭芻狗愛護敢同帳裏書抵擲評覆家中詭
文從義畫究三三術向齊侯陳九九蕭瑟誰知
庾信愁支離勿問哀駘醜尋常拱把未應無赤
札丹砂惟所有葳蕤倘逐鳳凰飛奔趨未失牛
馬走謬矜險語浙矛頭祇效微吟吹劍首幽谷
寒條久未榮春來或可吹嘘否

少年行

洛陽少年矜顏色袖裏吳鉤常拂拭驂騑白鼻
粧黃金遠映垂楊人歎息調笑胡姬入酒鑪手
撚朱花得似無竟須一擲盡百萬醉歌終日勸
提壺

俠客行

千金置一劍百金置一裝磨礪照秋水倒映芙

卷之七言古詩
送盧從龍署教臨邑兼訊邢太僕先輩
三
蓉霜少小辭家仕羽林
深心相結輕黃金提戈
遠出蕭關道指叱牧馬
抗南侵歸來論功報天
子賞賜寵幸無與比
夜行不怕執金吾
陷胸何知程與李
偶然調笑過吳姬
信手便碎珊瑚枝
百萬纏頭一日盡
賭行六博歡相隨
君看壯士真天矯
下視江漢如杯沼
男兒須乘駿馬從天
行勿學三尺豎儒空短小

今夕何夕

今夕何夕見春歸
今日何日醉春輝
春風春雨知誰在
春草春花踏作泥
已看春閣連春綺
况復春光照春水
春水波流去復迴
春英暮落曉還開
有時春盡能相憶
無復春來思更哀

送盧從龍署教臨邑兼訊邢太僕先輩

禮樂久不振
詩書今未刪
世無開大覺
誰爲訂羣頑
絳帳融陶鄭
春風孔鑄顏
白馬空浮練
青牛早度關
吾子淵源宗魯泗
析拔奧義誰相示
玄水今探象罔
竒荆山會剖如虹氣
年來點額困沉鱗
一瓊雖冷道常尊
入門問字紛從過
據

蓮廬和
八七言古詩
三十一
席談經靜不喧稷下才名迨在盛杏壇遺教幾
相並近有邢公最好文周禮遺編堪共証到日
應聆柱下言興來且作明堂咏

送豫章孔道王孫

越王城上鷓鴣啼越王城下芳草萋孤臺突兀
涼風起遠見浮雲隱樹低此時王孫欲歸去日
落片帆開古渡劍拂芙蓉射斗牛服製芰荷惹
烟霧桂樹山中重結盟舊時猿鶴快相迎獨憐
契合難爲別願折芳蘅寄遠情

送朗上人歸廬山時來遊羅浮不果

上人去在何曾定遠望浮雲相隱映白足深知
出世塵玄心祇自懸明鏡谷到羅浮匪學僊今
歸匡廬亦偶然葛洪鍊食終成刃遠公遺跡尙
留緣迢迢似阻陰山雪潺湲且美西江月卓錫
他年肯更來看取梅花幾樹開

遊朱季美虹岡園

虹岡之岡何逶迤盤桓間道曲相隨林深莽互
翳白日嶺岫兩岬陰雲低背郭遙連明月澗葛

蒲九節生凌亂石泉汨汨咽龍吟旁繞芳叢環
古縣雉堞雄高壓海天雨餘風散萬家烟窓函
睥睨橫碧落指點千帆相往旋近山恍有卅霞
氣安期煉食疑此地西接浮丘路豈遙羅浮門
戶應同秘春到寒梅萬樹開師雄夢入想徘徊
月光影落如鱗砌炎嶺翻驚舞雪迴傍屋更饒
千畝竹富比侯封甲食肉若道山陰王子來嘯
咏累日應忘足襲襲芳池漾彩禽鳩鵲鴻鴻對
浮沉鸞開寶鏡調能舞鶴引冊經振好音中有
主人冠籜冠風流時自佩幽蘭換鷺擬辦黃庭
帖掃兔直灑秋霜寒問字侯巴憐寂寞載酒從
遊多不惡日落焚香小座清茶烹石鼎輕烟撲
薄暮猶聞樵笛歸聲入委巷喧相追拂絃促柱
思未已錯以雅韻揚清徽架上牙籤高什襲玩
弄信可淹閒日水石翎毛待品題得意千金莫
浪筆有時高咏吐新詞珊瑚細間碧琉璃大兒
小兒方足友九歌七發真吾師社結梅花開勝
地黎梁往韻猶堪嗣郭內幽閒自一村風塵雜

遺廬和
卷之七
言
三
脊那能至賤子烟霞舊有緣多君意味更相憐
買山薄祿應難遂暫可淹留且拚年

登太白樓醉歌

太白太白我以一杯未乾之濁酒酌爾萬古不
盡之英魂人生去住初何定蓬萊再換碧桃根
太白之星緣何來采石之沒胡爲哉始胡醒而
遽降今胡醉而忽迴獸錦宮袍能有幾高才磊
落心徒哀心徒哀思未已上有千尋之石壁下
有不測之江水水蕩蕩以成波山蒼蒼而結綺
布錦繡于空中散煙霞於萬里羅浮之頂恍逢
君天台之外標紅雲當年綵筆今何在草木縹
緲輸靈文鷓鴣杓鸚鵡杯汝生酌盡幾多酒一
斗百篇枉自雄諷誦遺文空在口君不記沉香
亭北花發時醉中立取清平詞一曲未罷一曲
進徒然白璧售毀青蠅緇又不記華陰縣裏騎
驢日長吏執之使勿失任爾霜蹄歷塊竒咫尺
困蹶何能逸曾說蜀道難何地非太行太真旣
善怨力士更多讒終身承寵澤不過供奉班一

應永王召骨銷膽覺寒不如去逐月縱跡青冥
間霓光吐萬丈六鰲相往還念此往事懷太惡
把酒灑空相對嚼日月經天彩未休天賦汝生
既不薄何必懸名麒麟閣燕然鐫功亦銷鑠後
庭玉樹今寂寞有美一人不可作浩浩長江天
際流蘆花落盡楊花浮此江若可化醴醪與爾
長消萬古愁

贈區用環先輩

謝庭多土樹遶砌常繽紛暎日含秀色因風揚

清芬過末已夙著封胡亦能文朱輪度流水輕
蓋團浮雲君家兄弟亦如此儒雅風流誰與比
仲弟已作玉堂賓季弟亦爲名御史入門鍾磬
盡堪調滿目琳瑯近相倚吾子最良推白眉雄
詞變幻驚龍螭當年擬躍青萍劍此日還銜下
璞悲君不見安石東山時未起獨傍寒林挈芳
芷一朝勉出爲蒼生談笑功名在淝水丈夫遇
合詎可期回谿終復奮澠池浩浩洪流真自遠
擁鼻聊唵洛下詩

贈高日觀比部

高視俯中原山川多鬱結屈指歷詞場大小各
區別角觸牙爭勢不同大鵬振翼推輕風鷹鷂
燕雀一時起高者入漢低飛蓬吾粵挺然天之
側羅浮屹峙撐南國靈妙不數珠犀竒曉氣尚
能懸五色開元之世有曲江國初先生五者良
手提隻輪當大隊攬挈日月迴精光濟南諸子
多凌厲逸氣自是無一世獨言吾國有小梁迭
主齊盟紛結袂中祕當年號老成篆檣草隸工
較精楨伯書生頗趨桀亦與等輩爭高名大雅
琳瑯間斷絕絲管啁嘈世所悅衣鉢誰人悟正
因文章有道存蜩掇比部高公曠世才大義親
承法眼來梁李歐黎都及見夜入寒潭剖蚌胎
大曆丰神建安骨六朝粉黛凋無色玉琬常凌
冰雪虛寶劍乍視光猶逼嗟予生晚後數子得
公引迺差可喜大海津涯渺莫尋一葦正渡亦
如此此事沉吟久未陳世人笑我真狂生因公
感激具至意醉歌袒裼如有神人生世路常偏

遠廬稿
側去住功名若瞬息滿腹愁腸可奈何寸心萬
古堪鐫勒詞賦風流事豈徒鳳鳥既至河出圖
昔賢鞭弭今猶在此日須公金僕姑師武臣力
不失霸置身肯在楊馬下

遠廬稿

五羊韞上桂孟郁父著

五言律詩

遣興

久負林泉癖因知物理幽倒絲蟲自掛刷羽雁
交浮壁響松風入窻虛桂月流悲歌重懷古蓬
鬢此千秋

中夜

中夜意不愜憂心有萬端盛年虛短劍壯髮凋

危冠草木渾欲脫干戈殊未安曲中流水調悽
惻爲誰彈

歎

生年誰滿百憂病每相尋鴻雁差池意江湖歲
月心猿吟淒別曲客淚滴清砧萬事悲歌裏丘
中有特琴

聞警

塞外飛傳警邊兵殺氣連將軍離細柳天子發
甘泉畫角吹霜冷雕鞍灑血鮮匈奴今未滅永

夜枕戈眠

戰城南

昨夜城南戰三軍混殺聲沉雲天地結積甲丘
山平厲血敷青草銜傷接短兵功成不愛死豈
獨爲微名

宛馬

宛馬氣如虹長嘶入漢宮影翻星鉞白血沒錦
韉紅勢屈力逾發姿生竒不窮願得橫行將因
之成大功

新月

新月抱銀鈎，當軒淨欲流。
流星欺光尚怯，雲薄影同浮。
根植桂子固，枝空烏鵲愁。
娥眉能不妬，徒使漢宮羞。

燭

盤龍移繡柱，倒鳳照瓊粧。
獨覺丹心苦，空餘玉筯長。
得錢頻送喜，吐桂欲生香。
寄語東隣子，何妨借壁光。

過梁伯遐柳莊三首

久興拚林石，因君愛客心。
江山時物色，花柳特招尋。
暗水浮階疾，寒雲引戶深。
入門幽磬發，岩岫起清音。

古樹千章合，寒林一徑幽。
當窻欹怪石，遶檻俯清流。
砌草縈書帶，河魚上釣鈎。
真成雲外賞，隨地得滄洲。

水色含窓迥，山花帶戶垂。
村春催日落，野絮任風吹。
稻熟春醪美，瓜甘谷性宜。
無人信幽豁，却守北山陲。

泛江

天地日流此平空一劃開鳥過雲共沒湍急岸
將頽草樹微茫盡魚龍噴薄迴壯懷那可競坐
久意悠哉

小雨

小雨夜霏霏連朝滴漸微如烟籠出日似霧點
征衣翠浥竹逾潤紅添杏覺肥獨有傷春客懷
人久未歸

寒食山中

雨久苔逾滑春寒雲不開荒丘一以閉宿草有
餘哀屐濘緣貪柳巾沾爲折梅榆烟斷新火歎
息未然灰

江月

初月湛微波輕盈奈若何俯手近可拾仰天光
較多滌瀾浮片玉散影成雙蛾漸與浮雲隔無
爲掩薛蘿

泊西驛

涼風起西驛飄泊詎禁秋日月雙蓬轉江湖一

遠遊稿 五言律詩 四
劍遊寄人慚薄面逐櫓愧輕鷗多少浮生事王
孫幾自謀

病鶴二首

病鶴形何似瘦骨凋靈姿婆娑比殷樹蕭颯擬
潘絲警露情還在臨雲興未衰主人恩愛重揮
袖故相隨

鍛羽亂如麻長鳴亦可嗟垂頭啄螻蟻蛇足喂
魚蝦日落淒芳草天長漲浦沙何時雙翮壯縱
爾拂流霞

咏蟬

蟬聲何太苦切切傍濃陰石咽流泉響風迴素
葉吟蛻餘知物化露墜識真心寄語螳螂捕毋
爲淒斷琴

苦熱二首

旱魃驕相妬沉雷閉不流水銷茗碗碧樹失寒
林幽願入虛無國思乘浩蕩舟金莖還有否空
向日邊愁

暑氣夕相纏繁雲毒熱煎萬方同鼓鑄赤地若

揚烟骨肉都成礙衣冠意可捐所嗟憑兩翮不
及遡風鳶

題賓仲紫霧山房

水色含虛幌山光隱翠屏鳥翻雲際白樹入雨
中青龍劍常干斗牛刀早發劓圖南如可待莫
忘比山靈

荒村

荒村餘落照島嶼澹微明病馬嘶不得哀蟬無
限聲桑麻時雨過橘柚綠煙縈物理經行得因
之去住輕

久客

寒花淒斷曲古木翳層陰萬里孤鴻目三年爲
客心地偏春事薄山暝霧光沉身世知何定徒
然久滯滯

擬美人在天津橋

天津橋畔女秀色鮮黃金鸞采飄難定雲光去
復臨鏡花開漾蕩水月競浮沉靜照低無語知
他長恨心

五言律詩
九
丁酉京邸守歲

萬里辭家客三年望闕情
陰陽催短燭絲管入新聲
雪重寒廬壓貂殘瘦骨驚
遙知故鄉處縷酒到天明

送王如水公泊崧臺下

春雲何黯黯天地互晴陰
似妬雌雄合翻知風雨心
虛臺涵塔影古閣拔江深
蕩漾漁人意因公漑釜鬻

長城

長城多飲馬徃徃自成羣
滿月翻弓影連星動劍文
風高常落雁山險直叅雲
舊隸程都尉新從霍冠軍

朱叔祥虹山園三首

城市囂塵甚君家自一村
牽蘿護墻瓦倚篠補柴門
巖密含雲宿林深雜鳥喧
灌園陳仲子口吃不能言

以灌園者吃故云

水閣波光遠山亭翠色微
樵歌來別逕文酒度清暉
地苦竹從瘦潭深鱖故肥
主人渾無着鷗

遼廬稿
鳥自忘機

錦石奇如畫苔痕細作錢幽花輕壓砌衰柳淡
縈烟架穩從鶯坐竹驚擾鶴眠何因隣別洞步
屐任經年

門外

吾家棲隱處門外卽青山一雨江湖淡三秋歲
月閒水靜魚從躍天清鶴任還鮮食真何事須
知豹欲斑

遼廬稿

五羊韓上桂孟郁父著

七言律詩

西丘懷古

僊人元自好樓居環珮珊然落紫墟潭是白鵝
飛去後井傳丹蛻滅明餘探奇獨抱餐霞術避
世誰懷種樹書聞道神山空縹緲月明何處醉
芙蓉

陳明府晉陵公枉顧山齋

北山風雨枕蘆簾散年來但著書好事幾何
能載酒慨歌空自媿無魚先占紫氣迎函谷遂
有青雲下浚旃別後相思臨絕壑瀑聲猶復想
瓊琚

題張明府流霞閣

青溪卜築枕流霞小逕斜開掃落菴屏列雙峰
橫過鴈門低五柳噪寒鴉早秋夜雨宜移菊半
畝荒畦可種瓜曾是仙鳧迴絳闕幾從勾漏得
丹砂

舟夜

岸絕潮高雲影飛海天寥廓欲何依滌瀾片月
隨孤影漾瀨西風灑客衣別路已迷鄉夢斷執
方終與世情違滄江白鶴閒相伴一任乘槎未
忍歸

將歸

將歸南郭構林居繞屋荒茅次第除晝裏蟬聲
寒嗒嗒夢來蝶覺喜蘧蘧竹窻曬藥牽蛛網石
磴攤書檢蠹魚但使應門存稚子彩雲休訝故

人車

小徑斜穿桂樹堂竹溪繚繞水雲鄉江清自喜
魚蝦白雨過應知橘柚黃玄就楊雄仍寂寞途
窮阮藉但猖狂酒酣試倚風前笛一曲關山鬢
已霜

江口望瀑泉

逶迤一水掛碧岑突兀遠見山光深青天半泣
螭龍雨赤日翻愁猿狖吟石上孤雲生細細澗
邊幽草靜陰陰經行綠鬢年頻異莫遣寒聲到

客心

舟夜東劉觀國

煙光水色晚相宜曲裏同操白石詞愁思漫憑
詩興遣旅懷羞向舊遊知扁舟古樹重重出並
馬塞雲黯黯移十載驅馳成夢寐獨餘孤月照
深卮

南歸

曾携彩筆干星象擬就甘泉詔 聖明白璧幾
投人易老黃金虛索驥空鳴扁舟夜出燕山遠

遠塵種
七言律詩
三
渡海南還嶺樹平自是遊人愛秋色不妨留滯
結芳蘅

歸歎

夢回時自歎春暉苦憶江亭傍
翠微海內氛塵
何日靖故山松栢未云歸
黃鶯紫燕雙棲定柳
葉桃花一處飛
惆悵暮懷消不得
病從吟劇減
容輝

江雨

一雨江頭十日寒
故園猶帶暮
雲看自思
裹飯
悲生事誰念
歌魚作客難
多病未堪違
藥餌清
時那可誤
儒冠舊存羽
翮飛騰意
祇是間關念
已殘

石頭

石頭高踞倚雲空
佳氣于今尚鬱葱
遲日江山
開掌上四時松栢護
陵東衣冠異代迷
荒草勳
業當年有數公
寂寞古墩頻下馬
御溝流水瀉
殘紅

夜

秋盡霜黃落葉紛
渚鳧汀雁晚呼羣
舟行下瀨涓涓月
簾捲長河片片雲
銀夏西州新駐轄
初連比府舊從軍
行邊戍色風煙杳
愁思胡笳不可聞

燕歸過汝載館

留滯京華歎索居
風塵回首近何如
經年不出荒逕沒
半畝但留青松疎
絕叫奔狂足爾性
坦腹偃卧得吾虛
丈夫自可食茗蕨
潦倒何必懸金魚

漫興

三十無成春恨孤
一杯今日慰踟蹰
羞因拙婦誇存舌
笑向樗蒲妄得盧
海鶴影從青漢沒
楚妃色與衆人殊
解嘲未惜玄爲白
寂寞差存宅一區

寄李長度

少年才子羨風流
曾記當年汗漫遊
走向天邊探禹穴
醉於馬上拂吳鉤
湘江一水芙蓉隔
淮浦清尊桂樹留
十里郵亭輕往返
興來何憚買

秋盡霜黃落葉紛
渚鳥汀雁晚呼羣
舟行下瀨涓涓月
簾捲長河片片雲
銀夏西州新駐轄
和連比府舊從軍
行邊戍色風煙杳
愁思胡笳不可聞

燕歸過汝載館

留滯京華歎索居
風塵回首近何如
經年不出荒逕沒
半畝但留青松疎
絕叫奔狂足爾性
坦腹偃卧得吾虛
丈夫自可食茗蕨
潦倒何必懸金魚

漫興

三十無成春恨孤
一杯今日慰踟蹰
羞因拙婦誇存舌
笑向樗蒲妄得盧
海鶴影從青漢沒
楚妃色與衆人殊
解嘲未惜玄爲白
寂寞差存宅一區

寄李長度

少年才子羨風流
曾記當年汗漫遊
走向天邊探禹穴
醉於馬上拂吳鉤
湘江一水芙蓉隔
淮浦清尊桂樹留
十里郵亭輕往返
興來何憚買

行舟

遊飛泉洞寄洞主人朱少襄

中宿岩巖路轉通
剪蘿闢磴誰人功
重來暗壑沉金瑣
不盡飛泉飲礪虹
日落猿啼愁暮雨
天清鶴影御微風
枕流似洗巢由耳
淨土能令俗慮空

喜族兄寅仲偕蘇汝載劉覲國至

寂寞楊雄書滿牀
行歌孺子識滄浪
避人門巷填車馬
愛客琴尊過草堂
棗風塵徒彌月兼
葭秋色淨微霜
芳芹市醞無多味
與爾相親罄此觴

望羅浮

東望羅浮四百峰
峰峰鬪削青芙蓉
嵯歎轉覺白日礙
洞古況有陰雲封
瀑布銀河紛錯落
玉書金簡光玲瓏
師雒夢後有何見
春去梅花不易逢

望海

石樓高壓踞仙壇
萬疊洪濤起大觀
山峻豈無

遠廬和
七言律詩
七
虎兕吼峽鬪似有蛟龍蟠孤帆帶雨愁雲濕爽
氣冒日精光寒乘風破浪有何事顧我且下任
公竿

同蘇汝載泛海懷吳光卿

與子散髮卧滄洲江間水急浸黃牛鷺蹴已見
白浪破鰲坼欲逐青山浮雲氣淋漓圖畫濕天
光閃鏤金銀流欲將瑤草寄不得徒然悵咏簾
葭秋

家蒲圻明府宗堯公墓失多年偶得之榛

莽中刮石題此

鳧鳥風流悵往年路迷何處覓荒阡霜深絕壑
松花落月照空山鶴影還牧豎燒殘餘斷碣卧
麟苔積莽幽烟憑崖更灑雍門淚玉樹凋傷事
可憐

雨後海望

卽看霽色靄芳洲況有澄江散客愁雨過林泉
春濯濯風來湖海水悠悠沉吟久負雙蓬鬢身
世虛乘一葉舟羽翰紅顏如可望便從天外覓

神丘

送盧山客

十載論交怨路岐
片帆秋色使人悲
尋常斗酒勿云薄
曲屈寸心空自知
西嶺浮雲畚作態
北方多難欲何之
君行若到廬山上
爲訪鹿門隨鹿麋

遊星巖過謁還素李公

思探石室扣玲瓏
琢削何年鬼斧工
似索遺珠來赤水
將因問道出崆峒
飛流直下龍門峻
古洞虛懸象緯崇
自是依歸情倍切
不知身世御冷風

望仙歌

有美一人弄玉簫
揚蛾委盼金步搖
袖携神雨驚初下
珮拂明珠宛自嬌
瑤草路迷愁月冷
石壇花發嘆春遙
靈心欲借晨風翮
目極何時躡紫霄

晚望

江城高閣倚空穹
東望滄溟一水通
山色正當

邊廬和
層切上月明偏在踏歌中扁舟蕩漾尋芳渚石
澗依微飲絳虹一自病迴衣帶減不堪憔悴怨
東風

東夷

高皇擬絕東夷貢詔令嚴明重漢官豈謂犬羊
多異志坐令烽火照長安委蛇盡日能垂珮矍
鑠誰人可據鞍築舍祗今猶未定強將膚說答
金鑾

和戎本自非長策況復給和計轉蹀獸錦金繒
圖孟浪紫泥冊券事空虛乘槎已斷葡萄種奉
節誰傳雁帛書越嶠無雲頻悵望將軍何以慰
躊躇

大將連營十萬騎一時邊徼羽書馳轡方競說
穿楊易提隊曾無擣穴奇寶勒雕鞍容易賜渡
河開府未須疑丈夫勲業酬知己枉使雄名負
鬢絲

猛士長驅出禁林論功紛欲肘黃金虛疑翟羽
來重譯不見桑黠懷好音頻年輪輓迷雲盡屬

國江山近陸沉多少謀臣存政府草茅空抱杞
人心

夏夕戲作艷曲

浣沙溪上紵羅輕少小吹笙學鳳鳴近水荷花
貪並蒂依人燕雀羨雙成舞長自喜迎仙袂燭
滅何須絕客纓已遣風光牽宿醉獨無涼雨解
新醒

贈鄭長庚居士

緝髮方瞳老鍊君紫芝靈檢氣氤氳乘時早逐
鶴鸞起失路翻隨麋鹿羣丹洞旣甄迷住去清
溪水竹羨平分天風夜夜吹涼月引斷簫聲入
綵雲

當筵曲

芙蓉織就剪春衣翡翠粧成壓繡圍最是醺人
朱粉氣可堪照客綺筵輝杯浮玉液行雙羽燈
發瓊枝焰九微錦帳定添連理樹畫屏休寫隻
鸞飛

鑪烟裊篆拂雲低桐葉裁詩和露題莫斷葡萄

憐細蔓怕驚鷓鴣愛雙棲人疑白壁初還趙酒
似青州欲到齊一曲繞梁聲未歇聽歌須佩辟
塵犀

羨爲明鏡對華粧願作織羅護繡堂瑤草共誇
荆俗闕玉鉤爭學漢宮藏風迎桃李千金笑露
浥芝蘭九畹香獨媿短才逢解語更堪多病入
柔鄉

池花鬪臉意如傾砌草榮枯亦有情蟬咽似羞
歌串嘒蝶翻猶怯舞衣輕如澗桂酌歡難竭和

錫鸞膏恨轉明墮珥已酣齊客席牽裳誰絕楚
臣纓

欲折池荷惜藕絲廣栽庭樹覓相思樂傳唐譜
清平調舞拂燕餘大小垂紈扇可能調翡翠月
團贏得解茶縻多情却笑張郎筆嬾向書齋學
畫眉

無題

思張楚瑟擬鳩媒願學秦簫繞鳳臺柳條欲折
不堪折梅花將開猶未開虬箭暗浮寒漏永銀

河半落衆星迴屏中寶炬空垂筋牀上薰籠祇
自灰

丙申守歲

歲暮陰陽感慨中春光搖曳柳條風那堪物序
年年隔敢謂人情處處同雙眼欲穿愁落日片
雲空遠斷孤鴻經營事業心終在悵望寒宵愧
此躬

夕懷

柴棟層陰接鳳臺羅幃繡柱香風開已知日月
終弦望豈謂魚鴻無去來芍藥未投空贈曲笑
蓉初發漫啣杯雕陵罷後銀河隔惆悵音容夢
裏迴

呈贈劉乾陽座師時以叅藩兼副使覲賀

藩岳高臨控海閩當年間氣復生申職叅屏翰
雙轡轉任僉咨詢四牡馴垣序星輝承紫極嵩
呼聲遠動勾陳金莖久注長生液零露應知湛
此辰

龍門欣御借光榮師表東南有重名桐引嶧陽

風共拂珠探合浦月同明栢梁首韻今誰和韶
石遺歌且待賡 聖主好文興禮樂幾時偕進
魯諸生

甲辰京邸苦雨

經旬密雨勢如傾鎮日驚雷氣未平溜決轉防
瓠子溢梗浮何似芥舟輕饑鳥隱樹愁難宿病
馬衝泥却不行已歎澁囊薪桂盡更憐沉竈水
蛙生

商牟戲舞不曾休黑蜨潛波太自由頽壁半緣
苔蘚蝕荒庭昨有泡漚浮隣翁扶棟先防撓稚
子持竿未覺愁斗米數錢難再得安廬燥壤向
誰求

北臺絃管日繽紛寶爇流香十里薰滿目滂沱
徒自見平原哀怨豈堪聞土龍作祟頻招霧石
燕銜騎更逐雲似是銀河長欲瀉補天無路叩
明君

破塊鳴條豈是祥況逢暴漲劇難當農家晚稻
苗應黑客舍枯槐葉已黃沼國懼爭魚鼈命灌

遠塵和
七言律詩
五
城憂犯鼠狐藏空聞洪範徵皇極調燮深思在
位良

讀馬曹稿贈沈太玄兵部

絃笏西山日起時坐來爽氣冉相隨官清自覺
馬曹冷賦就寧憑狗監知獨向陽春霏白雪漫
將流水繞朱絲濟南北地成寥落千載遺文恍
在茲

病後休文幾瘦腰苦吟猶欲振風謠臺登碣石
霜蹄浦社結燕山雪影飄自歎望洋逢海若却

慙焚硯似君苗指南爲證從歸路懸耀終知仰
斗杓

同郭朝諤劉覲國諸兄飲潘明叔席是日

洗鵬翼還南海

三山宮闕鬱峩嶷濩落空慚五石瓢上客已歸
南海去故人初散紫宸朝瓜浮玉井香先襲水
落金盤凍未銷取醉不妨分掌液帛書猶得到
漁樵

月夜飲蔣諫庭都閩幕中

銅柱勲名重漢年
荒林風掃淨蠻烟
劍花久匣芙蓉澁
陣影長閒虎豹懸
稷下儒生同論難
蜀中幽客共談玄
夜深不減南樓興
綺席踈篁月正圓

贈李葵孺進士歸娶時初授連城令

年少終軍本棄繻
出關今日耀歸途
連城蚤售璠璣器
躡景爭誇汗血駒
蓋擁晴霞明上苑
簫迎彩鳳引高梧
君恩浩蕩何能報
葵向深知赤欲輸

題盧元明草堂

城中車塵看雜選
此地較覺幽棲宜
入門老幹近十抱
近水輕桃將百枝
無事但可詩酒會
縱飲欲問窮通爲
願學齊諧志希有更憶
楚狂歌已而

寄景虛林先生

海岳先生白玉姿
金緗紫帙映青絲
當堦時雨俄然足
入坐春風早自私
蹭蹬一經元世業
沉吟五字是吾師
年來載酒知多少
好似侯巴數

問奇

別瑞川黃先生

當年意氣重河汾少小辭家問字勤
玄水一珠逢象罔豐城雙劍吐龍文
舟從故里迷寒浦日落秋山慘暮雲
魯國書生優禮樂幾時同謁

聖明君

呈王如水觀察

名流天下王安豐簡要常操雅望崇
最績屢登廉訪使褒書頻詔大明宮
提衡郡國低昂審執

法東南節制雄

聖王恩深勞問俗憑君爲奏

二南風

禮羅溫石集群才閣似平津倚漢開
再別自憐和氏璧七年誰識豫章材
幸依牛斗占靈氣願藉鸞皇作令媒
清謙幾時容授簡雪篇吾欲和新裁

送分守鄭公陞滇南憲使

鄭公蕭散著瓌姿政暇常裁五字詩
天入碧鷄持使節地分銅柱見蠻碑
書縈帶草承家學庭

倚其棠寄後思執法只今臨外甸履聲還動紫宸知

飲族叔東原宅

十月十日冬氣遲當階委素仍霜枝紫萸黃菊
紛滿眼青尊綠醕好爲誰二三兄弟相與酌七
十老翁同賦詩長文雖幼抱著膝百里夜聚星
光垂

聖